



Il mas-chalch da Sent

Publicaziuns officialas. Cumpara seguond bsögn.
2003/2005
no. 5

7554 Sent, 14 avrigl 2003 /pw

Radunanza cumünala

La radunanza es gnüda fixada sün **marcurdi, 23 avrigl 2003** a las 20.15 in chasa cumünala.

Tractandas:

1. Protocol dals 4 december 2002, acta 14
2. Credits halla da glatsch Gurlaina
3. Uorden per vias champestras
4. Credit brutto da fr. 355'000.-- / Proget via da god Traversina
Credit net da fr. 149'100.-- (EGL)
5. Diversas infuormaziuns
6. Varia

La documainta per la 2. + 3. tractanda po gnir retratta sün büro cumünal a partir da marcurdi, **16 avrigl 2003**.

Il Cussagl cumünal

Corporaziun evangelica Sent

La radunanza generala da la Corporaziun evangelica ha lö in **mardi, als 29 avrigl 2003**, a las 20.00 illa saletta in chasa da pravenda.

Tractandas:

- | | |
|---|---|
| 1. Salüd e tscherna dals scrutinadurs | 7. Fixar pè d'impostas |
| 2. Protocol da la radunanza dals 26 avrigl 2002 | 8. Rapport annual dal ravarenda |
| 3. Rapport annual dal president | 9. Tschernas |
| 4. Rendaquint 2002 | 10. Orientaziun da la restructuraziun da la baselgia |
| 5. Rapport dals revisurs da quint | 11. La Baselgia d'ürant l'eivna |
| 6. Preventiv 2003 | 12. Varia |

Davo la radunanza as poja star amo ün pa insembel e baiver ün caffè o ün tè e mangiar alch piculezza.
Sperond sün üna numerusa cumparsa, invida amiaivelmaing

pel Cussagl da baselgia: Il president: Gisep Stricker

Sent Turissem

La radunanza generala da Sent Turissem ha lö in **marcurdi, als 30 avrigl 2003**, a las **20.30** in chasa cumünala Misoch.

Tractandas:

1. Salüd dal persident
 2. Elecziun dals scrutinadurs
 3. Protocol da la radunanza generala 2002
 4. Rapport annual dal president
 5. Approvaziun dal quint 2002
 6. Rapport dals revisuors, dis-charg suprastanza
 7. Elecziuns
 8. Dumonda per far il tet e la fatschada dal büro
 9. Trattar eventualas propostas in scrit
(Inoltraziun almain 14 dis avant la radunanza al büro).
 10. Varia e diversas
- A partir da las **20.00** vain servi ün **aperitiv** als preschaints. Amiaivelmaing invida

Il comitè

A partir dals 24 avrigl 2003 fin als 31 mai 2003 vegnan expostas **illa galaria dal büro da trafic** sopchas cha'ls scolars da la scoula secundara han transfuormà.

La vernissascha ha lö als **24 avrigl 2003 a partir da las 19.00 fin a las 21.00 h.**

Sent Turissem

Tscherchè da vender

Tscherchè da vender ün tractor da la marca "Aebi 1000" in ün fich bun stadi. Tut giò da la controlla in october 2002. Interessents dëssan s'annunzchar p.pl. pro: Lüzza Salomon, tel. 081/864 03 58.

Banca Chantunala Sent – urari d'avertüra

A partir dals 5 – 30 mai 2003 es la Banca Chantunala da Sent averta l'avantmezdi da las 8.00 – **11.30**. La davomezdi resta la Banca serrada. Grazcha per Voss'incletta.

Banca Chantunala Sent

Da dar a fit o da vender

a Sent tenor cunvegna ün'abitaziun da 5 _ stanzas. Annunzchas piglia gugent incunter: Christian Peier, tel. 081/416'46'73.

Tscherchè da tour a fit

a Sent chasa, po esser eir plü veglia, o ün'abitaziun per üna famiglia cun uffants a partir dals 1. lügl 2003. Annunzchas p.pl. drizzar a: Furnaria Benderer GmbH, tel. 081/864 13 77.



Spitex Engiadina Bassa

Da che dependa la qualità da viver? - Per la gronda part da no s'inclegia da sai, da pudair star ill' aigna abitaziun o chasa. E lura daja conumans chi grazia a tscherts systems d'agüd das-chan eir giodair quella qualità da vita. Dasper la famiglia es il Spitex ün da quels systems d'agüd, subvenziunà dals cumüns e dal chantun. Quai nu basta però amo. Perquai tscherchaina **urgiantamaing** per quia a Sent persunas chi sun prontas da prestar lavur voluntaria e'ns sustegner il servezzan da pasts. I's tratta da portar oura d'ürant ün'eivna mincha di ils giantars preparats in Chasa veglia. Quai düra mincha jada ca. üna mezz'ura. Plü bleras persunas cha no vain chi fan quist servezzan e main suvent cha'l singul vain landervia. Per infuormaziuns staina gugent a disposiziun, tel. 081/864 00 90.

Esther Zanetti ed Anna Barbla Buchli

Condotta da glera - offertas

Il Cumün metta in libra concorrenza il manar la glera per las vias cumünalas. Formulars d'offerta pon gnir retrats in büro cumünal a partir da marcurdi, 16 avrigl 2003.

Termin d'inoltraziun: **venerdì, 25 avrigl 2003 (buol postal, posta A);**

Chavazzin sülla busta: „Offerta inglerar“

Placas da velos e töfins

A partir da subit as poja retrar placas per velos e töfins d'ürant las uras da büro.

La pulizia cumünala

Tscherchè da tour a fit

a Sent ün'abitaziun da 2 _ fin 3 _ stanzas a partir da quista stà.

Annunzchas p.pl. drizzar a: Claudia Camenisch, tel. 081/861 10 00 (d'ürant il di), opür
081/864 10 41 (d'ürant la saira).

Gitas accumpagnadas in Engiadina Bassa

Per tuot las persunas sur 55 ons chi sun bain in chomma, aman la natüra e vöglian giodair la cumpagnia, vegnan organisadas quista stà plüssas gitas cun manaders:

- | | | |
|--|---|--------------|
| <u>1. gita:</u> Gövgia, 3 lügl 2003 | Via Uorsin: Guarda – Lajet – Plan Champatsch –
Alp Suot – Guarda | ca. 2 _ uras |
| <u>2. gita:</u> Gövgia, 17 lügl 2003 | Süsom Givè – Alp Champatsch – Lü – evt. Fuldera | ca. 3 _ uras |
| <u>3. gita:</u> Gövgia, 7 avuost 2003 | Tschlin – Vadrain – Vinadi | ca. 3 _ uras |

4. gita: **Gövgia, 21 avuost 2003** Pass dal Bernina – Alp Grüm ca. 2 uras
5. gita: **Gövgia, 4 settember 2003** Chant Sura (Flüela) – Chamanna Grialetsch – retuorn ca. 3_ uras
6. gita: **Gövgia, 18 settember 2003** Schlingia – Chamanna –
Sesvena – Schlingia ca. 3 uras

Per infuormaziuns detagliadas ed annunzchas stan a disposiziun: Irma Egler, 081/862 27 24 o S. Viletta, 081/862 27 77.
(Ulteriuras infuormaziuns vair las chaistas nairas da publicaziun).

Invid - Gruppa da sots

La gruppa da sots invida ad üna sairada da cumpagnia, in sonda als **17 mai 2003 a las 20.00** in chasa cumünala Misoch.

Invidats sun tuot quels chi han tut part üna jada in üna gruppa da sots, saja quai avant 50 ons (voul dir, quella gruppa chi existiva intuorn ils ons 1950 / 60) o eir be ils ultims ons.

Previs esa da star insembel per dar üna baderlada, far ün per sots ed ün per trais-chas. Da la partida es quella saira eir la Chapella Alp Tasna. La gruppa da sots spordscha üna marena, il da baiver paja minchün sves. In's fess grond plaschair, scha blers pudessan reservar quella saira per no! Our da motivs d'organisaziun giavüschain da s'annunzchar fin als 10 mai pro Tina Fried, tel. 081/864 99 64 o pro Jachen Stricker, tel. 081/864 06 19.

Gruppa da sots

Concert da la Società da musica Sent

La Società da muscia Sent invida cordialmaing a tuot la populaziun ed amis da la muscia al concert chi ha lö la **dumengia da Pasqua, 20 avrigl 2003** a las 20.30 in chasa da scoula. Nus sperain sün üna numerusa cumparsa.

Società da musica Sent

Exposiziun da giubileum da la Società d'allevamaint da muvel brün

In occasiun a l'exposiziun da giubileum da 100 ons società da muvel brün Sent, chi ha lö als 26 avrigl 2003 in Palüzot, esa previs dad expuoner eir documainta veglia da la società. Quista roba vain exposta aint illa chamonna dal glatsch. Perquai tscherchaina eir amo fotografias veglias da tors o eir da vachas chi d'eiran üna jada tgnüdas in nossa società. Sch'inchün posseda, e füss eir pront da metter a disposiziun, fotografias o eir oters documaints vegls chi han dachefar cun l'allevamaint da muvel, lessan far il bain da's metter in colliaziun cun Jachen Stricker, tel. 081/864 06 19 fin il plü tard als 20 avrigl.

Società d'allevamaint da muvel brün

Giantar cumünavel > correctura

Gövgia, als 17 avrigl 2003 (impè da mardi) in chasa cumünala. Annunzchas piglia incunter dna. Erica Clalüna, tel. 081/ 864 07 59. Minchün es bainvis!

Jörg Büchel, rav.

Di da las raspadas dals 31 avuost 2003 a Sent

Inscunters, surpraisas ed ün cult divin oter co'l solit... Chi ha interess da preparar cun oters da la regiun ün di inschmanchabel? Il prüm inscunter es als **21 mai a las 20.00** in chasa da pravenda a **Scuol**. Infuormaziuns ed annunzchas piglia incunter: sar Mario Pult Ftan, tel. 081/864 12 27 o rav. Jörg Büchel, tel. 081/864 87 28.

La pravenda

Butia schlerin

A partir da subit fin als 1. october 2003 ais nossa butia averta seguaintamaing:

mardi 9.00 – 11.00 / marcurdi 14.00 – 17.00 / venderdi 14.00 – 17.00

Our dals uraris as poja in cas urgaints telefonar: 081 / 864 81 05

Lidia Domenig